



Broj: 10/E-11-5640/25

Sarajevo: ~~01-10-2025~~ . godine

Na osnovu člana 10. stav (3) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a shodno zahtjevu Službe za lokalno-ekonomski razvoj i mjesnu samoupravu broj: 11-45-sl/25 od 19.09.2025. godine, Opštinski načelnik d o n o s i:

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge rezervacije smještaja u Nyíregyházi i Budimpešti, Mađarska, za potrebe realizacija projekta „C4TALENT“, koji se provodi u okviru transnacionalnog programa URBACT.

Član 2.

Procijenjena vrijednost za nabavku usluga iz člana (1) ove odluke iznosi ukupno 2.817,09 KM bez PDV-a, a sredstva su planirana u Budžetu Općine Centar Sarajevo za 2025. godinu, na budžetskom kontu: 613100 – Putni troškovi (fond 05711 Projekt C4TALENT 1.7.1.8).

Član 3.

Ova Odluka odluka stupa na snagu danom donošenja i bit će objavljena na službenoj internetskoj stranici Općine Centar Sarajevo.

O b r a z l o ž e n j e

Služba za lokalno-ekonomski razvoj i mjesnu samoupravu se obratila zahtjevom broj: 11-45-sl./25 od 19.09.2025. godine, za donošenje odluke o izuzeću od primjene Zakona o javnim nabavkama BiH za nabavku usluga rezervacije smještaja u Nyíregyházi i Budimpešti, Mađarska, za potrebe realizacije projekta „C4TALENT“, koji se provodi u okviru transnacionalnog programa URBACT.

U zahtjevu se navodi da se, radi potrebe realizacije projekta „C4TALENT“, koji se sprovodi u okviru transnacionalnog programa URBACT, pokreće postupak nabavke usluge rezervacije smještaja u Nyíregyházi i Budimpešti, Mađarska, kao dio navedenog projekta („C4TALENT“).

Nabavka se vrši u skladu sa članom 121. Uredbe Evropske komisije (718/2007 i 80/2010), kojim je propisano da se postupci nabavke koji se realizuju van teritorije Evropske unije, a finansirani su sredstvima EU, sprovode u skladu sa PRAG pravilima za realizaciju nabavki.

Projekat se finansira iz sredstava Evropske unije kroz Interreg URBACT program, a finansiranje obuhvata i ugovore o javnoj nabavci, i to u iznosu većem od 50%.

Procijenjena vrijednost nabavke iznosi 2.817,09 KM bez PDV-a.

U sklopu projekta planirana je nabavka usluga – rezervacija smještaja u Nyíregyházi i Budimpešti, Mađarska, radi posjete i boravka u okviru projekta „C4TALENT“.

Predmetna nabavka će se provesti u skladu s pravilima Praktičnog vodiča za postupke ugovaranja u okviru vanjskog djelovanja EU - PRAG ("EuropeAid", 12.21, 01.23, 11.23 i 01.25).

Uz zahtjev dostavljen je Sporazum o partnerstvu zaključen između Općine Centar Sarajevo, kao partnera i Municipality of Nyíregyháza, Mađarska, kao vodećeg partnera, i Ugovor zaključen između Upravljačkog tijela i Lead partnera o finansiranju projekta.

U zahtjevu se dalje navodi da je, shodno navedenom, neophodno, prije sprovođenja postupka nabavke, donijeti odluku o izuzeću od primjene Zakona o javnim nabavkama BiH, prema članu 10. stav (3) ovog Zakona, koji omogućava izuzeće u slučajevima kada se sredstva obezbjeđuju putem međunarodnih sporazuma ili projekata, a uvjeti ugovaranja su definisani samim projektom i partnerskim odnosima.

Članom 18. stav (1) Zakona o javnim nabavkama propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi. Stavom (2) istog člana propisano je da, u slučaju izuzeća od primjene iz člana 10. ovog zakona ili kod dodjele ugovora o nabavci usluga iz Aneksa II, ugovorni organ mora donijeti odluku koja, osim zakonske osnove za izuzeće od primjene ovog zakona, sadrži i osnovne elemente iz stava (1) tač. b), c) i d) ovog člana.

Članom 10. stav (3) Zakona o javnim nabavkama propisana su izuzeća od primjene odredbi ovog zakona, pri čemu je navedeno:

„(3) U slučaju ugovora o javnoj nabavci iz stava (2) ovog člana koje u iznosu većem od 50% sufinansira međunarodna organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke.“

U skladu s naprijed navedenim, ispunjeni su uslovi za izuzeće od primjene Zakona o javnim nabavkama („Službeni glasnik BiH“, broj 39/14, 59/22 i 50/24), u skladu s članom 10. stav (3) navedenog Zakona.

Analizirajući predmetni zahtjev, utvrđeno je da su ispunjene pretpostavke za realizaciju, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613100 – Putni troškovi (fond 05711 Projekt C4TALENT 1.7.1.8).

Shodno zakonu i općim aktima Općine, Općinskom načelniku dostavlja se prijedlog Odluke o izuzeću od primjene Zakona o javnim nabavkama BiH na konačno odobravanje i saglasnost.

Cijeneći prethodno navedeno Općinski načelnik je donio odluku kao u dispozitivu.



Dostaviti:

1. Službi za LER i mjesnu samoupravu - ovdje
2. Kabinetu općinskog načelnika - Odsjek za javne nabavke
3. Službi za finansije
4. Evidenciji